

Prome biaha den historia di nos Carnaval

Parada di Mucha a keda cancela y lo tuma lugar awe



SAC ta informa na pueblo di Aruba despues di a tuma contacto cu lider y banda di e gruponan y a reuni cu Minis-



ter President, mr. Mike Eman, Cuerpo Policial, representa pa Alto Comisario Dolfi Richardson, DOW y directiva di SAC cu e Parada di Mucha cu mester tuma lugar 27 di februari 2011 a wordo cancela pa motibo di constante menasa di awasero.

A dicidi mesora cu Parada di Mucha lo sigui AWE dialuna 28 di februari 2011 pa 1or pm despues cu Minister President, Mike Eman a haci peticion

riba tur sector priva e.o. ATIA, Asociacion di Banco y tur otro instancianan pa duna un dia liber, pero esey ta bira un poco dificil pa sector priva, pero pa buena marcha di tur cos ta duna mitar dia.

Gobierno mes a proclama oficial di dos parti dia liber y ta pidi tur dunado di trabou pa coopera cu tur lider di grupo y bandanan pa nan por haya e prome parti liber tambe.

Y Gobierno ta duna na tur e

trahadonan di Gobierno un dia liber awe te asina leu cu trabou ta permiti.

Esaki ta prome biaha di historia cu ta postpone un parada di Carnaval pa un otro dia pa motibo di mal tempo. Tur trahador di Gobierno ta full dia liber segun e trabou ta permiti y e sector priva ta mitar dia liber, e segundo mitar di e dia.

Prome Minister Mike Eman ta pidi na tur dunador di trabou pa coopera cu tur e personanan cu tin di haber cu e Carnaval di Mucha e.o. lidernan di grupo, bandanan etc., dor di duna nan full dia liber.

Asina mes, ayera esnan cu tabata den nan trailer caba for di prome ora di mainta, a dicidi di organisa un happening entre famia y amigonan, unda a probecha di tur loke cu a ser prepara pa come y bebe. Pa nan no dañá, e happening aki, a resulta un exito bao di e awasero cu a sigui cay.